



Nyaenma Caeuq Hanqmbwn

狐狸和天鹅

de mboujdanh rixyawj, lij cungj haengj guhdoihaeujok, ciengzciengz raeuqngaengngaeng.

Nyaenma mbouj haengj caeuq duzma guhdoihaeuj. De ndang cangq ga geng, rwz rae da ndongq, heuj soem ndaeng lingz, uk singj din riengj, dwg duz maenh'ak ndeu. Ndigah, de mboujlwnh daengz gizlawz, cungj ra ndaej gwn. Doenghgi duzbya, gyapbangx, duzgunq, duzbaeu ndaw raemx, doenghgi duznou, duzgaeq, duzbit gwnz dieg, couhcinj dwg doenghgi duzroeg duzdaek duznengz rox mbin, de cungj gwn ndaej daengz, miz seiz de lij angq ra di doenghgo daeuj gwn. De boux ndeu gag baebae dauqdaug, geijlai cwzcaiha!

Nyaenma gietdingh lizhai ndoengfaex, bae gizgyae yawjyawj. Ngoenzneix, de youzyouz langhlangh, byaij le hauilai gyae, daeujdaengz rangh dieg raemx dumh ndeu.

Sawqmwh, miz duz hanqmbwn ndeu fwt mbin gvaq gwnz dinggyaeuj de, "bu" sing ndeu douch youq gwnz huz youzyatyat. Nyaenma bonjlaiz couh dungx iekngaungau lo, de yawjraen le couh angq raixcaix, ndawsim naemj: "Ha, duz roeg hunghanghang ndeu! Gou ndaej gwn donq imq ndeu lo!" Yienghneix, de ganjgip ndonj gvaqbae.

Ndaw huz lij miz gyoengq roeg hung he ne! Nyaenma angq dangqmaz, sikhaek "budung" diuq roengz ndaw raemx bae gyaep hanqmbwn.

Duz hanqmbwn neix cij yawj nyaenma mbat ndeu, ngiengx gyauej enj hoz youz bae coh gyoengq doihae. Nyaenma gyaep daengz henzgyawj lo, hanqmbwn lij mbouj vueng mbouj linj. Gyoengq doihae hanqmbwn yawjraen le, humx gvaqdaeu lo, lij iu roegbit, roeghanqbuengz, roegcaeuq, roegcaeuqgej, roegcaeuqsa, roeglaxceiz

daeuj. Gizyawz roeg raemx raen le, hix gag gaen daeuj lo, aen bouhdoihae duzroeg yied daeuj yied hung lo!

Nyaenma bonjlaiz laihnaeuz duzroeg raen de daeuj le couh hwk ndaej deuzmingh, de couh ndaej swngzgei gaeb duz ndeu daeuj gwn. Hoeng, baez neix, gyoengq roeg mboujdanh mbouj sanq deuz, dauq yied daeuj yied lai, gyoengq roeg laebdaeb humx gvaqdaeu, de doek-saet lo. Caiq yawj gyoengq roeghung fwed gvangqmyang rengzrdw, de gag naemj: Danghnaeuz deng geij duz roeghung fak geij mbat couh ngunh caem roengz raemx bae dai lo!

Duznyieg doxgieng rengz couh hung, duzak gadog rengz couh nyieg! Seizneix, duz nyaenma ndaengndiengq maenh'ak neix yienznaeuz dungx iekngaungau hix mbouj ndaej mbouj gipmuengz buet deuz lo.

(Ganh Sozvwz/甘说文)

Mbouj Ndaej Ngahgwn

不得嘴馋

贵港市覃塘区蒙公乡高占小学四年级 陆春彤

Gou gig ngahgwn, cij aeu yawj-raen gijgwn ndei gwn, gou couh mboujguenj sam caet ngeihcibit, gwn hauej bak bae caiq gangj. Yienghneix miz baez ndeu oksaeh lo.

Ngoenz haenx, gou iu geij boux doengzhag bae ndoi guhcaemz. Daengz dingj ndoi seiz, sawqmwh Vangz Feih sing hung hemq: "Vei, vaiq di daeuj, neix miz cungj makndoi ndeu gig ndei gwn bw!" Gou dingq gangj miz ndei gwn couh buet gvaqbae, va, baenz aen baenz aen makdumh gyaemqgywgywg, lumj

gwnz haw gai ityiengh, gou nyaenx mbouj ndaej mbaet hauej bak bae. Lij Meiz raen gou gwj gwn gwj ndwnj, yienq naeuz: "Mwngz gaej gaenj gwn, lauxsae gangj gvaq, cungj makdumh neix van lai, miz duznou roxnaeuz duznou raih gvaq, gojnaengz miz doeg, mbouj ndaej gwn, yaek gwn hix dawz baema aeu raemxgyu swiq gvaq cij ndaej gwn bw." Vangz Feih hix naeuz: "Dwg ha, mwngz lij dwg gaej gwn lo." Makdumh rangfwdfwd, youh diemz youh miz di soemj, gou gwn hwnjyinx lo, baenzlawz dingz ndaej



roengzdaeuj? Gwn gaeuq caiq gangj.

Ma daengz ranz, miz saeh dahraix lo, gou dungx in raixcaix, youq gwnz congz ringx bae ringx dauq. Daxmeh daiq gou bae yihiyen, yienzlaiz dwg gou gwn makdumh yinxhwnj. Bouxcanghyw bekbek mbaq gou naeuz: "Lwgmanz, baez-laeng mbouj ndaej ngahgwn bw!" Gou naj hoengz dwk ngaekngaek gyauej.

(指导老师:覃珍团)

Guh Ranz

造房子

Ngoenzsinghgi, Siujmingz caeuq Siujcuh bae gunghyenz guhcaemz, raen duz noucoengz iq ndeu doek roengz gwnz dieg daeuj: Laxlawz ngoenzlwnz doek fwn hung, aenrongz noucoengz deng fwn rwd vaih lo.

Yienghneix, Siujmingz caeuq Siujcuh gietdingh bang duz noucoengz guh aen ranz moq ndeu. Song boux de ma daengz ranz, ra daeuj geij gep benj, faggawq, dietding, yienzhaeuh aeu benj gawq baenz hung'iq habngamj, caiq yungh ding ding baenz aenranz.

Ngoenz daihngaih yaek haemh, song boux de daiq aenranz iq daeujdaengz ndaw gunghyenz, ra daengz go faex noucoengz iq youq haenx, dawz aenranz iq cang hwnj gwnz faex bae.

Noucoengz iq miz ranz moq lo! Yawj, gyoengqde riu ndaej geijlai haisim ha!

(ngeih nienzgaep Cuh Fanz)



Malwg Dwggayaez

可爱的小狗

贵港市覃塘区蒙公乡凌寺小学三(1)班 邓戡



Ranz gou ciengx miz duz malwg ndeu, dujrwz de ndaemndatndat, naj de hix dwg ndaemndatndat, bwn gwnz ndang miz di ndaem miz di hau, song ceh da de ndongqliklik, lij miz diuzrieng youh raez youh raeuz ndeu.

Miz ngoenz ndeu gyanghaet, gou lij caengz hwnq, malwg raen gou caengz hwnq, couh buet daengz ndaw rug heuh gou hwnqcong, gou sikhaek

hwnqcong, cat heuj swiq naj, gwn haexcaeux, aemq daehsaw bae hagdangz. Malwg raen gou mbouj daiq hungzlingjginh, de couh gamz hungzlingjginh buet riengz laeng gou. Daengz hagdangz lo, miz doengzhag doiq gou gangj: "Siujhungz, baihlaeng mwngz gaen miz duz malwg ndeu." Gou cienq ndang baez yawj, raen duz malwg ranz gou cingq gamz hungzlingjginh buet gvaqdaeu. Gou angq dwk doiq malwg gangj: "Malwg, mwngz caen ndei, vaiq baema ba." Malwg baetbaet rieng buet baema lo.

Cuengqhag le, malwg youh buet daengz henz loh cieq gou ma ranz.

Miz ngoenz ndeu, mbwn yaek laep lo, miz bouxvunz he daeuj ranz gou. Malwg mbouj raen gvaq, de couh raeuqvaeuvaeu hwnjdaeu. Gou buet okdaeuj baez yawj, dwg mehbaj daeuj lo. Gou couh naeuz: "Malwg gaej raeuq lo, dwg mehbaj daeuj hane." Malwg sikhaek mbouj raeuq lo, lij daiq mehbaj hauej ranz dem, malwg geijlai gvai ha!

Duz malwg ranz gou caen dwggayaez, gou gyaex malwg ranz gou.

(指导老师:陆小娟)